

Na osnovu člana 18. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00 i 4/01), Skupština Kantona Sarajevo, na sjednici od 30. oktobra 2001. godine, donijela je

ZAKON

O IZMJENAMA I DOPUNAMA ZAKONA O NOVČANIM PRIMANJIMA POSLANIKA U SKUPŠTINI KANTONA SARAJEVO

Član 1.

U nazivu Zakona o novčanim primanjima poslanika u Skupštini Kantona Sarajevo ("Službene novine Kantona Sarajevo", broj 13/99) iza riječi "POSLANIKA" dodaju se riječi: I SLUŽBENIKA".

Član 2.

U članu 1. riječi: "službenika koje imenuje ili postavlja Skupština" zamjenjuju se riječima: "poslanika koji ostvaruju prava iz radnog odnosa u Skupštini, predsjedavajućeg Skupštine, zamjenika predsjedavajućeg Skupštine, sekretara Skupštine i savjetnika Skupštine."

Član 3.

U članu 7. riječi: "pored funkcionera zakonodavne vlasti Kantona," i riječi: "(u daljem tekstu: funkcioneri zakonodavne vlasti), kao i radna mjesta službenika koje postavlja ili imenuje Skupština" brišu se.

Član 4.

U članu 8. stav 1. riječi: "Funkcioneri zakonodavne vlasti" zamjenjuju se riječima: "poslanici iz člana 7. ovog zakona, predsjedavajući Skupštine, zamjenik predsjedavajućeg Skupštine, sekretar Skupštine i savjetnik Skupštine, ukoliko su na profesionalnom radu".

Član 5.

U članu 9. riječi: "funkcionera zakonodavne vlasti" brišu se.

Član 6.

Član 11. mijenja se i glasi:

"Član 11.

Predsjedavajućem Skupštine i zamjeniku predsjedavajućeg Skupštine pripada položajni dodatak u iznosu od 20% plaće utvrđene za predsjedavajućeg i zamjenika predsjedavajućeg Skupštine Kantona Sarajevo“.

Sekretaru Skupštine i savjetniku Skupštine pripada položajni dodatak od 10% od plaće ostvarene u Skupštini Kantona Sarajevo.“

Član 7.

U članu 12. riječi: “Funkcioneri Kantona iz zakonodavne vlasti“ zamjenjuju se riječima: “lica iz člana 8. ovog zakona“.

Član 8.

Ovaj zakon stupa na snagu osmog dana od dana objavljivanja u “Službenim novinama Kantona Sarajevo“.

Broj 01-02-326/01 30. oktobra 2001. godine Sarajevo

Predsjedavajući Skupštine Kantona Sarajevo Miro Lazović, s. r.